



# 卷四十六

書名 史記一百三十卷 慶長元和間古活字印本  
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義  
 卷 卷四十六  
 內容分類 史-正史-分刻-史記  
 索書號 貴重-30  
 編號 B1112300

[彩色首頁1](#)  
[彩色首頁2](#)

東洋文化研究所漢籍目錄 編號: B1112300  
 東洋文化研究所漢籍目錄所藏漢籍善本文影像資料庫 索書號: 貴重-30  
 漢籍善本文影像資料庫文本史記一百三十卷 慶長元和間古活字印本  
 版權所有: 東京大學 東洋文化研究所  
 使用上的注意事項

## 三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

韓世家第十五

史記四十五

田敬仲完世家第十六

史記四十六

陳完者陳厲公佗之子也

索隱曰佗音徒何反此系家以佗為

厲公而左傳厲公名躍陳系家又有利公躍利即厲也是厲公名躍非名佗也蓋佗是厲

公之兄立未踰年無謚今此云厲公佗非也佗一名五父故經云蔡人殺陳佗傳又云蔡

人殺五父是也完生周太史過陳陳厲公使卜完卦

得觀之否是為觀國之光利用賓于王此其

代陳有國乎不在此而在異國乎非此其身

也在其子孫若在異國必姜姓姜姓四嶽之



後正義曰杜預云姜之姓先為堯四嶽物莫能兩大陳衰此

其昌乎正義曰陳湣公周敬王四十一年為楚惠王所滅齊簡公周敬王三十九

年被田常所殺厲公者陳文公少子也其母蔡女文

公卒厲公兄鮑立是為桓公桓公與佗異母

及桓公病蔡人為佗殺桓公鮑及太子免而

立佗為厲公厲公既立娶蔡女蔡女淫於蔡

人數歸厲公亦數如蔡桓公之少子林怨厲

公殺其父與兄乃令蔡人誘厲公而殺之林

自立是為莊公故陳完不得立為陳大夫厲

公之殺以淫出國故春秋曰蔡人殺陳佗罪

之也莊公卒立弟杵臼是為宣公宣公十一

年殺其太子禦寇禦寇與完相愛恐禍及已

完故奔齊齊桓公欲使為卿辭曰羈旅之臣

幸得免負擔君之惠也不敢當高位桓公使

為工正正義曰工巧之長若將作大匠齊懿仲欲妻完卜之

占曰是謂鳳皇于蜚和鳴鏘鏘有媯之後將

育于姜五世其昌并于正卿八世之後莫之

與京率妻完完之奔齊齊桓公立十四年矣

完率謚為敬仲仲生穉孟夷索隱曰系本作夷孟思蓋穉是

名孟夷敬仲之如齊以陳字為田氏徐廣曰字也應助云

始食萊地由是改姓田氏○索隱曰據史此文敬仲奔齊以陳田二字聲相近遂為田氏

○正義曰按敬仲既奔齊不欲稱本故國號故改陳字為田字田穉孟夷生

潛孟莊徐廣曰一作芷○索隱曰田潛孟莊

生文子須無田文子事齊莊公晉之大夫欒



逞作亂於晉來奔齊索隱曰逞音盈齊莊公

厚客之晏嬰與田文子諫莊公弗聽文子率

生桓子無字田桓子無字有力事齊莊公甚

有寵無字卒生武子開與釐子正義曰釐音僂也乞

田釐子乞事齊景公為大夫其收賦稅於民

以小斗受之其粟予民以大斗行陰德於民

而景公弗禁由此田氏得齊衆心宗族益彊

民思田氏晏子數諫景公景公弗聽已而使

於晉與叔向私語曰齊國之政其卒歸於田氏矣晏嬰卒後范中行氏及晉晉攻之急范中行請粟於齊田乞欲為亂樹黨於諸侯乃說景公曰范中行數有德於齊齊不可不救齊使田乞救之而輸之粟景公太子死後有寵姬曰芮子生子荼徐廣曰一作粥子○索隱曰荼音奇又如字景公病命其相國惠子與高昭子以子荼為太子索隱曰惠子名夏昭子名張景公卒兩相高國立荼

是為晏孺子而田乞不說欲立景公佗子陽生陽生素與乞歡晏孺子之立也陽生奔魯田乞偽事高昭子國惠子者每朝代參乘言曰始諸大夫不欲立孺子孺子既立君相之大夫皆自危謀作亂又給大夫曰高昭子可畏也及未發先之諸大夫從之田乞鮑牧與大夫以其入公室攻高昭子昭子聞之與國惠子救公公師敗田乞之衆追國惠子惠子

奔莒遂及殺高昭子晏孺子奔魯田乞使人  
之魯迎陽生陽生至齊匿田乞家請諸大夫  
曰常之母有魚菽之祭幸而來會飲會飲田  
氏田乞盛陽生橐中索隱曰橐音託橐中謂皮囊之中置坐  
中央發橐出陽生曰此乃齊君矣大夫皆伏  
謁將盟立之田乞誣曰吾與鮑牧謀共立陽  
生也鮑牧怒曰大夫忘景公之命乎諸大夫  
欲悔陽生乃頓首曰可則立之不可則已鮑

牧恐禍及已乃復曰皆景公之子何為不可  
遂立陽生於田乞之家是為悼公乃使人遷  
晏孺子於駘正義曰音臺又音台賈逵云齊地也而殺孺子荼  
悼公既立田乞為相專齊政四年田乞卒子  
常代立是為田成子鮑牧與齊悼公有郟菽  
悼公齊人共立其子壬是為簡公田常成子  
與監止監一作闕○索隱曰監如字又苦濫反監姓止名俱為左右  
相相簡公田常心害監止監止幸於簡公權

弗能去於是田常復脩釐子之政以大斗出

貳以小斗收齊人歌之曰嫗乎采芑歸乎田

成子索隱曰言嫗之采芑菜皆歸入于田成子以判齊國之政將歸陳氏也齊

大夫朝御鞅諫簡公索隱曰御官也鞅名也亦田氏之族曰田

監不可並也君其擇焉君弗聽子我者監止

之宗人也索隱曰齊系家云子我名賈達云即監止也尋其文意當是監止今

云宗人太史誤耳常與田氏有郤田氏疏族田豹事

子我有寵子我曰吾欲盡滅田氏適以豹代

田氏宗豹曰臣於田氏疏矣不聽已而豹謂

田氏曰子我將誅田氏田氏弗先禍及矣子

我舍公宮田常兄弟四人乘如公宮欲殺子

我子我閉門簡公與婦人飲擅臺正義曰在青州臨淄

縣東北一里將欲擊田常太史子餘曰田常非敢

為亂將除害簡公乃止田常出聞簡公怒忍

誅將出亡田子行曰需事之賊也索隱曰需音須需者

疑也疑必致難故云事之賊也田常於是擊子我子我率其

徒攻田氏不勝出亡田氏之徒追殺子我及  
監止簡公出奔田氏之徒追執簡公于徐州  
索隱曰徐音寄徐州齊邑薛縣也非九州之  
徐○正義曰齊之西北界上地名在渤海郡  
東平縣也簡公曰蚤從御鞅之言不及此難田氏  
之徒恐簡公復立而誅已遂殺簡公簡公立  
四年而殺於是田常立簡公弟騫是為平公  
平公即位田常為相田常既殺簡公懼諸侯  
共誅已乃盡歸魯衛侵地西約晉韓魏趙氏

南通吳越之使脩功行賞親於百姓以故齊

復定田常言於齊平公曰德施人之所欲君  
其行之刑罰人之所惡臣請行之行之五年  
齊國之政皆歸田常田常於是盡誅鮑晏監  
止及公族之疆者而割齊自安平以東

徐廣曰安平

平在北海○索隱曰司馬彪郡國志北海東  
安平六國時曰安平徐廣說是○正義曰括  
地志云安平城在青州臨淄縣東十九  
里古紀國之鄆邑青州即北海郡也至琅  
邪正義曰琅邪沂州也從安平已東萊  
登沂密等州皆自為田常封邑也自為



封邑封邑大於平公之所食田常乃選齊國中女長子七尺以上為後宮後宮以百數而使賓客舍人出入後宮者不禁及田常率有七十餘男索隱曰鮑昱云陳成子有數十婦生男百餘人與此亦異然燕允南按春秋陳恒為人雖志大負殺君之名至於行事亦修整故能自保非苟為禽獸之行夫成事在姦雖子七十猗以長亂田常率子襄事豈然哉蓋言其非實者也

子盤代立徐廣曰盤一作盤○索隱曰盤音許既反系本作班相齊常謚為成子田襄子既相齊宣公三晉殺知伯

徐廣曰宣公之三年時也分其地襄子使其兄弟宗人盡

為齊都邑大夫與三晉通使且以有齊國襄

子率子莊子自立索隱曰系本名伯田莊子相齊宣

公宣公四十三年伐晉毀黃城圍陽狐正義曰括

地志云故黃城在魏州寇氏縣南十里陽孤郭在魏州元城縣東北三十二里也明

年伐魯葛及安陵正義曰括地志云故魯城在許昌縣南四十里本魯

朝宿邑長葛故城在許州長葛縣北十二里鄭之葛邑也陽陵故城在許州陽陵縣西北

十五里李奇云六國時為安陵也明年取魯之一城莊子率

子太公和立索隱曰紀年齊宣公十五年田

乃次立田和是莊子後有悼子蓋立年無幾

所以作系本及史記者不得錄也而莊周又

鬼谷子亦云田成子殺齊君十二代而有齊

國今據系本系家自成子至王建之滅祗十

代若如紀年則悼子及侯刻即有十二代

與莊子鬼谷說同明紀年亦非妄說也

田

太公相齊宣公宣公四十八年取魯之郕正義

曰音城括地志云故郕城在兗州泗水

縣西北五十里說文云郕魯孟邑是也

明年

宣公與鄭人會西城伐衛取母丘索隱曰母

名衛之邑今作母者字殘缺耳○正義曰括

地志云故貫城即古貫國故貫今名蒙澤城

在曹州濟陰縣宣公五十一年卒田會自廩

南五十六里也

丘反索隱曰紀年宣公五十一年公孫會以

廩丘叛於趙十二月宣公薨於周正為

明年宣公卒子康公伋立徐廣曰十一年伐

魯取最○索隱曰

貸音土代反反伋立十四年淫於酒婦人不聽

取音相外反

政太公乃遷康公於海上食一城以奉其先

祀明年魯敗齊平陸徐廣曰東平平陸○三

正義曰兖州縣也

年太公與魏文侯會濁澤徐廣曰康公之十

六年○索隱曰徐

廣蓋依年表為說而不省此上文貸立十四

年又云明年會平陸又三年會濁澤是十八

年表又此註並誤求為諸侯魏文侯乃使使言周天

子及諸侯請立齊相田和為諸侯周天子許

之康公之十九年田和立為齊侯列於周室

紀元年齊侯太公和立二年和卒魯破之

子桓公午立索隱曰紀年齊康公五年田侯

年齊田午弑其君及孺子喜而為公春秋後

傳亦云田午弑田侯及其孺子喜而兼齊是

為相侯與此桓公午五年秦魏攻韓韓求救

於齊齊桓公召大臣而謀索隱曰大臣謂驪

策威王二十六年邯鄲之役有此謀臣耳又

南梁之難在宣王二年有驪子田忌孫臏之

謀戰國策又有張丑其詞前後交曰蚤救之

孰與晚救之驪忌曰不若勿救段干朋曰索

隱不若救之田臣思曰索隱曰戰國策作田期

思紀年謂之徐州子期過矣君之謀也秦魏攻韓楚趙必救

之是天以燕予齊也桓公曰善乃陰告韓使

者而遣之韓自以為得齊之救因與秦魏戰

楚趙聞之果起兵而救之齊因起兵襲燕國

取桑丘正義曰括地志云桑丘故城俗名敬

魏趙來救之魏趙世家並云代齊至桑丘皆是易州六年救衛桓公率

索隱曰紀年梁惠王十三年當齊桓公十八年後威王始見則桓公十九年而卒與此不

同子威王因齊立是歲故齊康公卒絕無後

奉邑皆入田氏齊威王元年三晉因齊喪來

伐我靈丘正義曰靈丘河東蔚州縣按靈丘

世家云代齊至靈丘皆是蔚州三年三晉滅晉後而分其地

六年魯伐我入陽關徐廣曰在鉅平○正義曰括地志云魯陽關故

城在兗州博城縣南二十九里西臨汶水也晉伐我至博陵正義曰在

濟州西七年衛伐我取薛陵九年趙伐我取

甄威王初即位以來不治委政卿大夫九年

之間諸侯並伐國人不治於是威王召即墨

大夫而語之曰自子之居即墨也正義曰萊州膠水縣

南六十里即墨故城是也毀言日至然吾使人視即墨田

野闢民人給官無留事東方以寧是子不事

吾左右以求譽也封之萬家名阿大夫語曰  
自子之守阿譽言日聞然使使視阿田野不  
闢民貧苦昔日趙攻甄正義曰音絹即濮州甄莪縣北合在即墨  
字上子弗能救衛取薛陵子弗知是子以幣  
厚吾左右以求譽也是日烹阿大夫及左右  
嘗譽者皆并烹之遂起兵西擊趙衛敗魏於  
濁澤而圍惠王惠王請獻觀以和解趙人歸  
我長城於是齊國震懼人人不敢飾非務盡

其誠齊國大治諸侯聞之莫敢致兵於齊二  
十餘年騶忌子以鼓琴見威王威王說而舍  
之右室須臾王鼓琴騶忌子推戶入曰善哉  
鼓琴王勃然不說去琴按劍曰夫子見容未  
察何以知其善也騶忌子曰夫大弦濁以春  
溫者君也小弦廉折以清者相也琴操曰大弦者君也  
寬和而溫小弦者臣也清廉而不亂○索隱曰春秋後語溫字作春春氣溫義亦相通蔡邕曰凡弦以緩急為清濁琴緊其弦則攬之清緩其弦則濁清濁者言琴之聲也

深

徐廣曰以瓜持醪之愉者  
徐廣曰一作舒

也  
釋與下文舍字

政令也鈞諧以鳴大小相蓋

回邪而不相害者四時也吾是以知其善也

王曰善語音騶忌子曰何獨語音夫治國家

而胡人民皆在其中王又勃然不說曰善夫

語五音之紀信未有如夫子者也若夫治國

家而弭人民又何為乎絲桐之間騶忌子曰

夫大弦濁以春温者君也小弦廉折以清者

相也攫之深而舍之愉者政令也鈞諧以鳴

大小相益回邪而不相害者四時也夫復而

不亂者所以治昌也連而徑者所以存亡也

故曰琴音調而天下治夫治國家而弭人民

者無若乎五音者王曰善騶忌子見三月而

受相印淳于髡見之曰善說哉髡有愚志願

陳諸前騶忌子曰謹受教淳于髡曰得全全

昌失全全亡

索隱曰得全謂人臣事君之禮  
全具無失故云得全也全昌者

謂若無失則身名  
獲昌故云全昌也  
騶忌子曰謹受令請謹毋

離前索隱曰謂佩服此言常淳于髡曰掃膏

棘軸脂也棘軸以棘木為車輪至滑而堅也然而所以為滑也然而不能運方案索隱曰

穿孔若方則不能運轉言逆理反經也故下

忌曰請謹事左右騶忌子曰謹受令請謹事

左右淳于髡曰弓膠昔幹徐廣曰一作乾所以為合

也然而不能傳合疏罅索隱曰幹音孤悍反

考工記作拊幹則祈昔音相近言作弓之法

以膠被昔幹而納諸繫中是猶以勢令人合

也傳音附辨音呼嫁反以言膠幹可以勢暫

合而火亦不能常傳合於疎罅隙縫以言人

臣自宜彌縫得所豈待拘以禮制騶忌子曰

謹受令請謹自附於萬民淳于髡曰狐裘雖

弊不可補以黃狗之皮騶忌子曰謹受令請

謹擇君子毋雜小人其間淳于髡曰大車不

較不能載其常任琴瑟不較不能成其五音

索隱曰較者校量也言有常制若車不較則

車不能載常任琴瑟不較則琴不能成五音  
騶忌子曰謹受令請謹脩法律而督姦吏淳

于髡說畢趨出至門而面其僕曰是人者吾  
語之微言五其應我若響之應聲是人必封  
不久矣新序曰齊稷下先生喜議政事騶忌  
既為齊相稷下先生淳于髡之屬七  
十二人皆輕騶忌以為設以微辭騶忌必不  
能及乃相與俱往見騶忌淳于髡之徒禮踞  
騶忌之禮卑淳于髡等稱辭騶忌知之如應  
響淳于髡等辭詘而去騶忌之禮踞淳于髡  
之禮卑故所以尚于將莫邪者貴其立斷也  
所以尚騶驥者為其立至也必且歷日曠久  
則系釐能掣石驚馬亦能致遠  
是以聰明捷敏人之美材也 居暮年封以  
下邳 號曰成侯 威王二十三年與趙王會平

陸二十四年與魏王會田於郊 魏王問曰王

亦有寶乎 威王曰無有 索隱曰韓嬰詩外傳  
以為齊宣王其說不

同所以 梁王曰若寡人國小也尚有徑寸之

珠照車前後各十二乘者十枚奈何以萬乘

之國而無寶乎 威王曰寡人之所以為寶與

王異 吾臣有擅子者 索隱曰擅子齊臣擅姓  
子男子美稱大夫皆稱

子盼子田盼也黔夫及種 使守南城則楚人

不敢為寇東取泗上十二諸侯皆來朝 索隱  
曰邾



昔宋魯之北 吾臣有盼子者使守高唐則趙人不

敢東漁於河吾吏有黔夫者使守徐州則燕

人祭北門趙人祭西門賈逵曰齊之北門西門也言燕趙之人畏

見侵伐故祭以求福從而從者七千餘家吾臣有種首

者使備盜賊則道不拾遺將以照千里豈特

十二乘哉梁惠王慙不擇而去二十六年魏

惠王圍邯鄲趙求救於齊齊威王召大臣而

謀曰救趙孰與勿救騶忌子曰不如勿救段

干朋曰不救則不義且不利威王曰何也對

曰夫魏氏并邯鄲其於齊何利哉且夫救趙

而軍其郊是趙不伐而魏全也故不如南攻

襄陵正義曰襄陵故城在兗州鄒縣也以弊魏邯鄲拔而乘

魏之弊威王從其計其後成侯騶忌與田忌

不善公孫閱謂成侯忌曰索隱曰戰國策作公孫閱公何

不謀伐魏田忌必將戰勝有功則公之謀中

也戰不勝非前死則後北而命在公矣於是

成侯言威王使田忌南攻襄陵十月邯鄲拔

齊因起兵擊魏大敗之桂陵索隱由在威王

義曰在曹州乘比於是齊最彊於諸侯自稱

為王以今天下三十三年殺其大夫牟辛徐廣

日一作夫人○索隱曰牟辛大夫姓字也徐廣與年表並作夫人王助按紀年云齊桓公

十一年殺其君母宣王八年殺其王三十五

后然則夫人之字或如紀年之說年公孫閱又謂成侯忌曰公何不令人操十

金卜於市曰我田忌之人也吾三戰而三勝

聲威天下欲為大事亦吉乎不吉乎卜者出

因令人捕為之卜者驗其辭於王之所田忌

聞之田遂率其徒襲攻臨淄求成侯不勝而

奔索隱曰按戰國策田忌前敗魏於馬陵因被購不得入齊歷十年乃出奔也是時齊

都臨淄且孟嘗列傳云田忌襲齊之三十六

年威王卒子宣王辟彊立宣王元年秦用商

鞅周致伯於秦孝公二年魏伐趙趙與韓親

共擊魏趙不利戰於南梁索隱曰晉太康地記曰戰國謂梁為

南梁者別之於大梁少梁也○正義曰括地志云故梁在汝州西南二百步晉大康地記云戰國時謂南梁者別之於大梁少梁也古蠻子邑也宣王召田忌復

故位韓氏請救於齊宣王召大臣而謀曰蚤

救孰與晚救騶忌子曰不如勿救田忌曰弗

救則韓且折而入於魏不如蚤救之索隱曰紀年威

王十四年田盼伐梁戰馬陵戰國策云南梁之難有張丑對云早救之此云鄒忌者王即

云此時鄒忌死已四年又齊威此時未稱王故戰國策謂之田侯今此以田侯為官王又

橫稱鄒忌者蓋此說皆誤耳孫子曰索隱曰孫臏夫韓魏之兵

未弊而救之是吾代韓受魏之兵顧及聽命

於韓也且魏有破國之志韓見亡必東面而

愬於齊矣吾因親結韓之親而晚承魏之弊

則可重利而得尊名也宣王曰善乃陰告韓

之使者而遣之韓因恃齊五戰不勝而東委

國於齊齊因起兵使田忌田嬰將徐廣曰嬰一作盼

孫子為帥救韓趙以擊魏大敗之馬陵索隱曰在

宣王二年殺其將龐涓虜魏太子申其後三晉之

王皆因田嬰朝齊王於博望

正義曰括地志云博望故城在

鄆州向城縣東南四十五里

盟而去

徐廣曰表云三年與趙會博望伐魏

七

年與魏王會平阿南

正義曰沛郡平阿縣也

明年復會

甄魏惠王卒

索隱曰按紀年梁惠王乃是齊湣王為東帝秦昭王為西帝時

此時梁惠王改元稱一年未卒也而系家及其後即為魏襄王之年又以此文當齊宣王

時實所不能詳考

明年與魏襄王會徐州諸侯相王

也十年楚圍我徐州十一年與魏伐趙趙決

河水灌齊魏兵罷十八年秦惠王稱王宣王

喜文學游說之士自如騶衍淳于髡

正義曰

之穆下先生也

田駢

正義曰白眠反藝文志云田駢齊人遊穆下號天口駢作田子

二十五篇也

接予

正義曰齊人藝文志云接子二篇在道家流

慎到

正義

曰趙人戰國時處士藝文志作慎子四十二篇也

環淵

正義曰楚人孟子傳云環

淵著書上下篇也

之徒七十六人皆賜列第為上大

夫不治而議論是以齊稷下學士復盛且數

百千人

劉向別錄曰齊有稷門城門也談說之士期會於稷下也○索隱曰齊地

記曰齊城西門側系水左右有講室趾往往存焉蓋因側系水故曰稷門古側稷音相近

耳又虞喜曰齊有稷山立館其下以待游士亦異說也春秋傳曰管子如齊盟于稷門是也十九年宣王率子湣王地立索隱曰系湣本名遂

王元年秦使張儀與諸侯執政會于齧桑三年封田嬰於薛四年迎婦于秦七年與宋攻

魏敗之觀澤十二年攻魏楚圍雍氏徐廣曰在陽翟

屬韓秦敗屈丐蘇代謂田軫曰臣願有謁於公

其為事甚完使楚利公成為福不成亦為福

今者臣立於門客有言曰魏王謂韓馮張儀

曰徐廣曰韓之公仲侈也煮棗將拔徐廣曰在濟陰宛胸齊兵又

進子來救寡人則可矣不救寡人寡人弗能

拔索隱曰能猶勝也言不勝其拔故聽齊拔之耳此特轉辭也秦韓

之兵毋東旬餘則魏氏轉韓從秦秦逐張儀

索隱曰逐謂隨逐也交臂而事齊楚此公之事成也田

軫曰柰何使無東對曰韓馮之救魏之辭必

之謂韓王曰馮以為魏必曰馮將以秦韓之

兵東卻齊宋馮因搏徐廣曰音專專猶并合制領之謂也○索隱曰

搏音團謂握領也徐亦通三國之兵乘屈丐之弊南割於

楚故地必盡得之矣張儀救魏之辭必不謂

秦王曰儀以為魏必曰儀且以秦韓之兵東

距齊宋儀將搏三國之兵乘屈丐之弊正義曰屈

丐楚將為秦所敗今更欲棄之南割於楚名存亡國實代三

川而歸索隱曰三川韓也此王業也公令楚王與韓

氏地索隱曰公謂陳軫使秦制和謂秦王曰請與韓

地而王以施三川正義曰施張設也言秦王於天子都張設迫脅也

韓氏之兵不用而得地於楚韓馮之東兵之

辭且謂秦何曰秦兵不用而得三川伐楚韓

以窘魏、氏不敢東是孤齊也張儀之東兵

之辭且謂何曰秦韓欲地而兵有案聲威發

於魏、氏之欲不失齊楚者有資矣魏氏轉

秦韓爭事齊楚、王欲而無與地徐廣曰楚王欲得魏

來事已而公令秦韓之兵不用而得地有

一大德也正義曰蘇代謂陳軫於秦韓豈不

有大德秦韓之王却於韓馮張儀而東兵以狗

服魏公常執左券以責於秦韓索隱曰券要也左不正也

言我以右執其左而責之○正義曰左券下右券上也蘇代說陳軫以上券令秦韓不用

兵得地而以券責秦韓却韓馮張儀以狗此服魏故秦韓善陳軫而惡張儀多取矣

其善於公而惡張子多資矣十三年秦惠王

卒二十三年與秦擊敗楚於重丘徐廣曰表曰與秦擊

楚使公子將大有功二十四年秦使涇陽君質於齊二

十五年歸涇陽君子秦孟嘗君薛文入秦即

相秦文亡去二十六年徐廣曰孟嘗君為相齊與韓魏

共攻秦至函谷軍焉二十八年秦與韓河外

以和兵罷二十九年趙殺其主父齊佐趙滅

中山徐廣曰三十年田甲劫王相薛文走三十六年王為東帝

秦昭王為西帝蘇代自燕來入齊見於章華

東門左思齊都賦註曰齊小城北門也而此言東門不知為是一門非耶○正義曰

括地志云齊城章華之東有閭門武鹿門也齊王曰嘻善子來秦

使魏冉致帝子以為何如對曰王之間臣也

率而患之所從來微，願王受之而勿備稱也。秦稱之天下安之，王乃稱之無後也。且讓爭帝名無傷也。秦稱之天下惡之，王因勿稱以收天下，此大資也。且天下立兩帝王，以天下為尊齊乎？尊秦乎？王曰：尊秦。曰：釋帝。天下愛齊乎？愛秦乎？王曰：愛齊而憎秦。曰：兩帝立約伐趙，孰與伐桀宋之利？宋世家云：宋王偃王諸侯皆曰：桀宋也。王曰：伐桀宋利。對曰：夫約鈞，然與秦為帝，而天

下獨尊秦而輕齊，釋帝則天下愛齊而憎秦。伐趙不如伐桀宋之利。故願王明釋帝以收天下，倍約賔秦，無爭重，而王以其間舉宋，夫有宋衛之陽地危。陽地，濮陽之地。○正義曰：按衛此時河南，獨有濮陽也。有濟西趙之阿東國危。正義曰：阿東，阿也。爾時屬趙，故云東也。國有淮北楚之東國危。正義曰：淮，北徐泗也。東國謂下相，僮取慮也。有陶平陸梁門不開。正義曰：陶，定陶，今曹縣。在大梁東界。釋帝而伐之，以伐桀宋之事，國重而



名尊燕楚所以形服天下莫敢不聽此湯武之舉也敬秦以為名而後使天下憎之此所謂以卑為尊者也願王孰慮之於者齊去帝復為王秦亦去帝位三十八年伐宋秦昭王怒曰吾愛宋與愛新城陽晉正義曰括地志云新城故城在曹州乘氏縣西北三十七里同韓聶與吾友也而攻吾所愛何也蘇代為齊謂秦王曰韓聶之攻宋所以為王也齊彊輔之以宋楚魏

必恐恐必西事秦是王不煩一兵不傷一士

無事而割安邑也

正義曰年表云秦昭王二十一年魏納安邑及河內

此韓聶之所禱於王也秦王曰吾患齊之難

知一從一衡其說何也對曰天下國令齊可

知乎齊以攻宋其知事秦以萬乘之國自輔

不西事秦則宋治不安

索隱曰戰國策作宋地不安

中國

白頭游敖之士皆積智欲離齊秦之交伏式

結軼西馳者未有一人言善齊者也

索隱曰軼音姪

軼者車轍也言車轍往還如結也戰國策作結朝伏式東馳者未有

一人言善秦者也何則皆不欲齊秦之合也

何晉楚之智而齊秦之愚也晉楚合必議齊

秦齊秦合必圖晉楚請以此決事秦王曰諾

於是齊遂伐宋宋王出亡死於濰正義曰懷州有濰城

也齊南割楚之淮北西侵三晉欲以并周室

為天子泗上諸侯鄒魯之君皆稱臣諸侯恐

懼三十九年秦來伐拔我列城九四十年燕

秦楚三晉合謀各出銳師以伐敗我濟西徐廣

曰案其餘諸傳無楚伐齊事年表云楚取淮北王解而却燕將樂毅

遂入臨淄盡取齊之寶箴器湣王出亡之衛

衛君辟宮舍之稱臣而共具湣王不遜衛人

侵之湣王去走鄒魯有驕色鄒魯君弗內遂

走莒楚使淖齒將兵救齊索隱曰淖音女教反因相齊

湣王淖齒遂殺湣王而與燕共分齊之侵地

鹵器正義曰鹵掠齊寶器也湣王之遇殺其子法章變

名姓為莒太史馯徐廣曰音躍一音皎家庸太史敷女

奇法章狀貌以為非恒人憐而常竊衣食之

而與私通焉淖齒既以去莒莒中人及齊亡

臣相聚求湣王子欲立之法章懼其誅已也

久之乃敢自言我湣王子也於是莒人共立

法章是為襄王以保莒城而布告齊國中王

已立在莒矣襄王既立立太史氏女為王后

是為君王后生子建太史敷曰女不取媒因

自嫁非吾種也汙吾世終身不覩君王后君

王后賢不以不覩故失人子之禮襄王在莒

五年田單以即墨攻破燕軍迎襄王於莒入

臨菑齊故地盡復屬齊齊封田單為安平君

正義曰安平城在青州臨淄縣東十九里古紀之鄆邑也十四年秦擊我

剛壽十九年襄王卒子建建立王建立六年秦

攻趙齊楚救之秦計曰齊楚救趙親則退兵

不親遂攻之趙無食請粟於齊齊不聽周子

曰、索隱曰蓋齊之謀臣史失名也戰國策以  
周子為蘇秦而楚字皆作燕然此時蘇秦  
死已不如聽之以退秦兵不聽則秦兵不却  
是秦之計中而齊楚之計過也且趙之於齊  
楚扞蔽也正義曰此時秦伐趙上黨欲克無  
意伐齊楚故言趙之於齊楚為扞  
也猶齒之有脣也脣亡則齒寒今日亡趙明  
日患及齊楚且救趙之務宜若奉漏甕沃焦  
釜也夫救趙高義也却秦兵顯名也義救亡  
國威却疆秦之兵不務為此而務愛粟為國

計者過矣齊王弗聽秦破趙於長平四十餘  
萬遂圍邯鄲十六年秦滅周君王后卒二十  
三年秦置東郡二十八年王入朝秦秦王政  
置酒咸陽三十五年秦滅韓三十七年秦滅  
趙三十八年燕使荊軻刺秦王秦王覺殺軻  
明年秦破燕燕王亡走遼東明年秦滅魏秦  
兵次於歷下四十二年秦滅楚明年虜代王  
嘉滅燕王喜四十四年秦兵擊齊齊王聽相

后勝計不戰以兵降秦秦虜王建遷之共地理

志河內有共縣○正義曰今衛州共城縣也遂滅齊為郡天下壹

并於秦秦王政立號為皇帝始君王后賢事秦謹與諸侯信齊亦東邊海上秦日夜攻三晉燕楚五國各自救於秦以故王建立四十餘年不受兵君王后死后勝相齊多受秦間金多使賓客入秦秦又多予金客皆為反間勸王去從朝秦不脩攻戰之備不助五國攻

秦秦以故得滅五國五國已亡秦兵卒入臨

淄民莫敢格者王建遂降遷於共故齊人怨

王建不蚤與諸侯合從攻秦聽姦臣賓客以

亡其國歌之曰松耶栢耶住建共者客耶徐廣

曰戰國策曰秦處建於共松栢間也○索隱曰耶音邪謂是建客邪客說建住言遂乃失

策今建遷共共疾建用客之不詳也索隱曰

今在河內也審用客不知其善否也謂不詳

太史公曰蓋孔子晚而喜易易之為術幽明

遠矣非通人達才孰能注意焉故周太史之  
卦田敬仲完占至十世之後又完奔齊懿仲  
卜之亦云田乞及常所以比犯二君索隱曰  
比如字  
又頻律反二君即悼公簡公也僖子發晏孺  
子鮑收以乞故殺悼公而成子又殺簡公故  
云田氏比專齊國之政非必事勢之漸然也  
蓋著遵厭兆祥云

索隱述贊曰

田完避難 奔于大姜 始辭羈旅

終焉鳳皇 物莫兩盛 代五其昌

二君比犯 三晉爭疆 和始擅命

威遂稱王 濟急燕趙 第列康莊

秦假東帝 莒立法章 王建失國

松栢蒼蒼

田敬仲完世家第十六 史記四十六



不 許 複 製

NOT TO BE REPRODUCED

東京大学東洋文化研究所